

「國家社會科學基金重大項目」

何建明 主編

中國地方志
佛道教文獻匯纂

人物卷

(98)

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（98）



國家圖書館出版社

中國地方志佛道教文獻匯纂·人物卷

湖南省 常德市

武陵縣志

清·惲世臨 孫翹澤修 陳啟邁纂

清同治二年（一八六三）刻本

武陵縣志卷之四十二

國治王
戎編武

陽湖 陳世臨鑒定

邑人 陳啟邁纂輯

人物志第八

方伎

漢

黃敬字伯嚴少讀書仕州爲部從事後棄官學道於霍山八十餘年復入中嶽專行服氣至二百歲轉還少壯道士王紫陽往見之求要言敬曰吾不修服藥之道但守自然何足詰問紫陽固請不已乃告之曰大關之中有輔星想而習之翕

正陽縣志

卷之四十二

習成赤童在焉指朱庭指而搖之煉身形審能守之可長生
紫陽受之遂得長生之道

葛洪神
山傳

晉

黃道真居高吾山修道乘白鹿去不知所終

一統志
舊通志黃道真太僕

中隱居高吾山即

問津之漁郎也

南北朝宋

宗超之奉經好道宋元嘉中卒未闔棺從兄簡之來會葬啟
益視之但雙屐在焉

異苑

唐

梁新醫士也丹次渚宮有富商中夜暴亡至旦氣猶未絕新

往診視曰此食毒也因問嗜何物曰嗜竹雞每年以數百計
新日竹雞食半夏必半夏毒伸搗薑汁灌之良久蘇時崔鉉
鎮塔官聞而異之資以僕馬入京名大噪仕至尙藥奉御

湖廣

通志

黃洞源邑人也大厯中學道於桃源宮瞿柏庭師事之尋辭
去洞源留之不可期十八年再見後洞源之潤州茅山柏庭
忽至計之正十八年洞源曰吾亦將蹈滄海次日果羽化

列仙傳

古隄和尚受訓章敬暉禪師尋常但曰去汝無佛性和尙無
言卽或有言莫契其旨一日仰山到參歎曰不可思議來者

立陽月二

卷之四二

難爲湊泊

五燈會元

白揚順定錫金牛山太闢禪座聽法者千人爲茲山一禪燈傳

錄

宋

冀翁善治折傷嘉祐中縣尉羅彥輔墮馬不能運動治之旬
日而愈國城鄉數百里折傷者必望救於翁翁宅旁無用桑
封殖獨種竹千竿資醫以養喪殮不乏行旅過門踵相交翁
遇之皆有理致無不得其歡心者其接儒生最謹有題詩贈
之者壁詩歲加多且滿

呂南公灌園集贈
武陵龔翁詩序

思業禪師住文殊寺初爲屠宰忽洞心源棄業爲僧述偈曰

昨日夜叉心今朝菩薩面菩薩與夜叉不隔一條綫

五燈會元

李正字宏卿學於東皇公十七年死家人埋之冢上有樹高

七尺生花見者皆聰明能文章號聰明樹

明一統志

明

冷謙字敬號龍陽子元中統初與劉秉忠從沙門海雲遊
精於易尤深邵學及百家方術至元間秉忠爲相乃棄釋從
儒居書川交趙孟頫於四明故相史彌遠家觀李思訓畫遂
善繪後遇異人授中黃大丹至正間年百餘貌渥如童避亂
金陵坐肆市藥明初仕太常博士考定樂律會京邸主人貧
謙畫壁爲門界以引日第入可得富母多取母有所遺主人

五明集

卷之四十二

三

叩門入見金珍充牣如山恣意揀取遺謙所畀引旬日內帑
守者告變持引爲證上命逮館人及謙謙曰我能逃能飛桎
梏不能制須入我大甕中始得不逸逮者取甕至謙以腳插
入良久身盡入端坐其間旋視之甕空矣從甕口呼之輒應
逮者以聞昇甕至上前上親呼謙果如逮者言碎甕片片呼
之皆應也竟逸不可復得

楚賢

國朝

髡殘號石谿少時自剪其髮投龍三三家菴旋遊諸名山後
至金陵受衣鉢於浪杖人住牛首山工山水與境奇闢筆墨
高古有元人勝概蓋從蒲團中得來者

髡殘一字介邱武陵人

不輕爲人作周亮工與父乞作冊數幅欣然命筆
城王士正嘗題其畫云紫竹林中一徑微會尋石窟叩禪
雲山舊衲渾忘卻
欲借僧雛壞色衣

黃悟真趙塘里道士康熙時亢旱太守某飭令禱雨設壇校
場三日遣徒白太守詣壇迎雨時天無雲守疑其妄乃伸兩
拳左掣電右揮雷守驚出大雨隨降既霑足以禱遣之

增

丁方斌精岐黃術嘗從商人採藥巖窟耿寔聞人之歸居神
仙觀遇危證應手而愈一醉徑去杖頭常掛酒瓢藥囊求醫
者卽以刀圭與之

府志

武陽縣志

卷之四十二

七

郭半仙乾隆閒居城東鬻屨爲業在行市上咸以爲顛久之乃覺其異卧武廟左廡泥馬下一夜忽右移晨起則左馬倒矣市人食之多不食若可食於人其家必旺嘗口中調語若有所祝問之不答披髮曳裾挾竹杖或剗地作圈縱橫穿插以示人莫有喻者天晴攜屨笠出必雨久雨見科頭行市中必晴一日於府治前持燒餅數十每家置一曰好燒已於未置餅處灑水曰好永斂日火如其灑水處而止形容枯槁不辭渇盛暑卧處無蚊卧數日不飢所嗜者盡啖之亦不甚飽人以半仙呼之

州志

熊本義業醫尤善癰疽異瘡應手而愈年三十卽絕慾行導

武陵縣志

卷之四十一

七

引術五十餘家爲道士寓武昌長春觀數年歸修常清觀
仍以醫術活人年八十一遊岳陽無疾而逝

論曰神仙荒唐之說儒者不言九流雜家又瑣屑不足道
然左氏傳和緩梓慎裨觀史蘇之倫至詳史記傳扁鵲倉
公邕萊日者而黃石赤松子海君亦因事附見焉傳信也
疑豈史乘之體應爾耶夫閻下巫史星相之屬聖人所以
前民利用其精者至通神明參造化非徒小道可觀已也
緇流羽士歷史列之方伎郡國方書未之有改今錄其具
著而有徵者於篇而世俗傳會里巷不經之談則置焉

武陵縣志卷之四十二終

同治癸亥錄本

中國地方志佛道教文獻匯纂·人物卷
湖南省 常德市

龍陽縣志

清·蔡蔭修 陳一揆纂

清康熙二十五年（一六八六）刻本

方外志

佛老之教遍天下者千餘年深中乎人心而未
之有已得毋虞其滯祀乎然猶龍一嘆及禦寇
所記荅太宰語又推西方之聖何居他不具論
卽如稚川之請勾漏少陵之詠湯休類非俗吏
所能爲而後世溷迹緇黃者安知不有隱君子
也瀛州鷺嶺旣造設之多奇紺宇琳宮復寄棲
之甚異有仙釋斯有寺觀矣看花雨于劫灰之

餘尋洞天于道書之內立教耳要皆方以外事
又何必相沿成俗家南海而戶太和也哉作方
外志

仙釋

張秉

郎龍陽君一日行山澤間遇仙女詣秉曰
帝以君功故遣相配生子以木德王其地

且約踰年再會秉如期往果見前女以襪襪子
歸秉曰當世世相承血食吳楚後與張媼遊太
湖忽晝晦五采雲蓋其上媼言帝賜金丹已而
有感生子渤奇偉异人東遊吳會能變形役陰

兵鑿孟漬河
立廟祠山

楊汧思

巴園堤人本姓羅因舅氏爲楊精道術盡誠敬能驅雷電祈晴禱雨立應其徒

千餘庠生劉大賓獨得之沒于崇禎癸未

白楊順

唐時定錫金牛大開講座聽法者于人多所建監爲茲山一祖見傳燈錄

中國地方志佛道教文獻匯纂·人物卷
湖南省 常德市

龍陽縣志

清·張在田修 游鳳藻等纂
清嘉慶十九年（一八一四）刻本